

西南史地文獻

第四卷

中國西南文獻叢書

中國西南文獻叢書編輯委員會

中國西南文獻叢書・第三輯

西南史地文獻

第四卷



本輯主編：繆文遠

副主編：徐麗華

張振興

辛佩峰

本卷目錄

蜀檣杙

〔宋〕張唐英撰

一

蜀鑒

〔宋〕郭允蹈撰

九九

【宋】張唐英 撰

蜀檮杌

《蜀檮杌二卷》（一名《外史檮杌》），宋張唐英撰。唐英，字次功，自號黃松子，蜀州新津人。本書以《四庫全書》文淵閣影印本（上海古籍出版社一九八七年出版）之史部載記類《蜀檮杌》爲底本輯錄。原書成品尺寸爲三十點五厘米乘二十厘米，版框尺寸爲二十二點三厘米乘十五點三厘米。

欽定四庫全書

史部九

蜀檮杌

載記類

提要

臣等謹案蜀檮杌二卷一名外史檮杌宋張
唐共撰唐英字次功自號黃松子蜀州新津
人丞相商英之兄熙寧中官至殿中侍御史
其書本前蜀開國記後蜀實錄仿荀悅漢紀
體編年排次于王建孟知祥據蜀事迹頗為

詳備歐陽修二蜀世家刪刪太略得此可補
其所遺今世官署戒石所刻兩俸兩祿民膏
民脂下民易虐上蒼難欺四語自宋代以黃
庭堅書頒行者實摘錄孟昶廣政四年所制
官箴中語其文全載于此書凡此之類皆足
以資考證唐英嘗撰嘉祐名臣傳及此書今
名臣傳已佚惟此書存考樓鑰攻媿集引外
史檇杌王建四年書張琳始末有大順初情

實為黔南節度辟為判官一條今本無之則
亦非完書矣乾隆四十五年六月恭校上

總纂官臣紀昀臣陸錫熊臣孫士毅

總校官臣陸費輝

少日人言

月

其時處命世官者或石於家而後其子孫
民貽下民易居工為難得而難得者代為
其時書何力者其難得而難得者代為
官民不將其人今雖千載其子孫亦不
以資考證居其官者難得而難得者代為
其時書何力者其難得而難得者代為
其時書何力者其難得而難得者代為

欽定四庫全書

蜀構杭卷

宋 張唐英 撰

王建字光圖其先潁川郾城人後徙居項城隆眉廣顧
身長七尺與晉暉暉以剽盜為事被重罪繫許昌而
獄吏縱之使去武當僧處洪謂曰子骨相異常貴不
可言何自陷為盜建感其言因隸軍於忠武而節度
使杜審權拔為列校從討王仙芝有功所乘馬死剗之
得一小蛇於心間私自異之秦宗權據淮西募建補

軍虞候廣明中僖宗幸蜀建與晉暉韓建張造李師泰
同謀率三千人奔行在僖宗大喜乃分其兵使建等五
人主之號隨駕五都田令孜皆錄為假子駕還分典
神策軍光啟元年令孜與河中王重榮有隙移鎮易
定重榮遂舉兵向關二年正月僖宗再幸興元以建
為清道使負玉璽以從至堂塗驛而邠寧昌符朱玫
等遣人焚棧道建翼僖宗過於煙焰中夜宿坂下僖宗
枕建膝而寢賜以金券至褒中以建遙領壁州刺史令

孜懼禍求為西川監軍以楊復恭代為觀軍容使復恭
慮建不附已出為利州防禦使十月駕還楊守亮鎮興
元屢召建建疑其圖已遂招豪猾八千攻陷閬州殺楊
行遷入據其城自稱刺史十一月昭宗即位陳敬瑄叛
於成都慮建與東川顧彥朗膠固為患頗憂之今孜曰
建吾子也可折簡召之遂與建書曰中原多故惟三蜀
可以偷安陳公恢廓無疑同建大事吾父子輔之無不
可也建大喜領兵趨成都敬瑄參謀李又謂曰建今之

孫雄狼顧久矣必不為人下若為將校亦非公之利建
至東川敬瑄遣人止之建怒進攻破鹿頭入據漢州進
攻成都顧彥朗亦懼建反戈相襲上表雪其罪建亦奏
請擇大臣帥蜀乃召宰相韋昭度為成都尹割印蜀黎
雅置永平軍於邛州以建為節度使建發兵迎昭度於
劍門敬瑄不受代昭度於城東置行府以建為衙內都
指揮使大順元年十月建度敬瑄垂敗心冀全蜀乃入
白昭度曰相公興數萬之衆未有討賊之效而饋運不

繼大衆囂然今關東藩鎮相噬圖傾國家社稷朝廷姑
息不暇相公為國大臣其心安忍不如東還以清中原
此根本之策也劍外之事願以相委必不負驅策昭度
猶豫未決建陰令軍士擒昭度帳下吏賂保蒼頭保祿
衛食之昭度大懼乃以符節付建即日東還詔復敬瑄
官令建罷兵歸印州建不從急攻成都令孜懼登城與
建語曰老夫與八哥素厚何為相厄如此建曰建與軍
容有父子之恩何心敢忘但太師負國而朝廷使建討

之苟太師改心便可釋憾令孜與敬瑄議以勢不可敵
其夕令孜持符印即建營授之翌日以成都讓建自稱
留後表陳其事龍紀元年春制授成都尹西川節度副
使仍知節度事管内觀察處置雲南八國招撫等使敬
瑄廢處雅州以其子為刺史既行建遣殺於三江令孜
仍監其軍四月以令孜陰附鳳翔擒下獄餓死光化三
年詔建私門立戟加中書令封琅琊王四年封建西平
王

三年昭宗還長安建奉表貢茶布等十萬八月封建司徒蜀王四年八月朱全忠弒昭宗建率將吏百姓舉哀制服七年全忠篡位改元開平巨人見青城山鳳皇見萬歲縣左右勸進三避而後從九月僭即偽位號大蜀改元武成以王宗佶為中書令韋莊為散騎常侍判中書門下事唐道襲為樞密使任知元潘峭為宣徽南北院使王宗裕為太傅王宗侃為太保兼侍中以唐觀軍容嚴遵美為內侍監授唐室舊臣王進等三十二人官